

滿清十三朝宮闈秘史

增太平天國
宮闈秘史



滿清宮闈秘史卷三目錄

●同治朝

太后與太監之穢史

立后之暗潮

瓜子金買玉版牋

節減至二十四品之御膳

西太后怒碎遺詔

孝欽后作試帖詩之工雅

穆宗之慣交遊戲

聰明天子

餓死皇后

五王爺與翠屏山

滑稽之皇叔

恭王受賄之特別法

皇太后之私生子

慈禧母女間之不睦

兩后並尊之剋制

飲涼粉償銀五百兩

六王爺忠諫之不見機

皇帝門下之蔑視

圓明園總管世家

●光緒朝

一口淡巴菰中產出新皇帝

宮闈中之連營寨

御駕前之翻觔斗與拜小狗

逼死皇后

殺人不見血之聖母

慈禧榻上之楊月樓

死劉氣煞活李

西太后居然也肯屈膝

李蓮英之作弄李鴻章

老佛爺爲大姑娘做媒

蒙塵中賣官之大減價

臭腐不堪之御饌

李蓮英之機警

太監之行竊

小太監掀跌大皇帝

長跪宮門請早安

寇太監之忠諫西太后

李蓮英學梳新式髻

假皇帝幫助眞皇帝

西太后之鬪雀

小匣中之燒餅

宮中之地道與祕窟

南府之來歷

景帝聖德紀二則

德宗外交之大度

一萬八千金之烟泡費

飛蛇驚壞老王爺

人盡夫也之慈諭

滿清宮闈秘史 卷三目錄

兩景帝之同病相憐

小恭王請老張過癮

珍妃墜井

皇帝奉懿旨行竊

隆裕后感激李蓮英

管先生之恩寵

請安一次納賄五十金

可憐之景帝

御袖中之湯圓

宮中之妖怪

滿清宮闈秘史

●同治朝

太后與太監之穢史

同治一朝。孝貞后頗能主持政務。孝欽雖中懷叵測。尙未敢公然納賄鬻權。又其時。文祥。沈桂芬。李棠階。先後當國。衆賢道長。亦時時能面折廷爭。孝欽益不能遂其所志。然中韓之言。則已不克盡掩天下耳目矣。安得海者。直隸之南皮人也。自入宮內爲閹宦。以擅呂不韋舍人嫖毒術。時孝欽年未逾三十。得之頗歡。安得海藉是以干國柄。先譖奕訴短。以去其議政權。既又籠絡朝士。使奔走其門。勢燄駸駸。遂與明季之魏忠賢埒。是時穆宗年逾十齡。知二人所爲。心恥之。嘗因事斥安得海。旋爲孝欽所責。因是恨之益甚。於宮中。

時以小刀斷泥人首。內監請其故。則曰。殺小安子。於是內監中知安得海之首領。將不保矣。至同治八年七月。而安得海果於山東正法焉。先是山東巡撫丁葆楨。見穆宗見其遇事敢爲。密商於孝貞。令保楨俟機誅安得海。保楨慨諾去。至是。孝欽命安得海往南方。繼辦龍衣。穆宗聞悉。賜贊成之。密詔丁葆楨預爲備。及得海出都。過德州。知州趙新。卽稟報葆楨。葆楨飭東昌府程繩武追之。繩武躬笠屬。馳騎烈日中。躡其後三日。不敢動。乃復檄總兵王正起。率兵追之。及泰安。執安得海。解至濟南。得海猶大言曰。我奉皇太后命。誰敢犯者。徒自速死耳。葆楨乃具疏聞。孝欽聆而惶駭。莫知所爲。孝貞乃召軍機及內務府大臣議之。皆言祖制不得出都門。犯者死無赦。當就地正法。然其諭猶留中兩日未下也。奕譞復諍之。始宣布。而得海遂伏誅。得海伏誅。

後裸屍暴市以釋人疑。然欲蓋彌彰。世皆知此中別有曖昧事矣。或曰蜀山東人言。肆市之屍。乃得海隨身小璫。與得海同伏法者。非其真身也。然則其故益可思矣。

立后之暗潮

同治中冊立皇后。孝貞后屬意孝哲。而孝欽獨喜侍郎鳳秀女。爭持不決。乃召穆宗。使自擇焉。上亦以孝哲爲可。議遂定。鳳秀女封慧妃。孝欽意大拂。既喜孝哲。因遷怒穆宗矣。孝哲氣度端凝。不苟言笑。故穆宗始終敬禮之。宮中無事。恆舉唐詩以試后。后應口背誦如流。上益喜。伉儷綦篤。而居恆曾無褻容狎語。孝貞亦異常鍾愛。而孝欽則非常忿怒。每孝哲入見。從未嘗假以辭色。後遂禁約上不得入中宮。欲令慧妃專夕。願上意亦不願常至慧妃宮。

中。遂終歲獨宿乾清宮。時時侘僚無聊。小宮監乃導上爲微行。往往雇街車輕騎。或出南城作狹邪游。每自稱江西拔貢陳某。嘗與毛文達昶熙相遇於某酒肆中。上見文達尙微笑點首。文達色變趨出。亟告步軍統領某。以勇士十餘人密隨左右。數日後。文達入對。上猶微誚其畏蒞云。其後以痘疾竟棄天下。人猶疑爲惡疾者。以此故也。孝哲既失西后歡。又驟遭此變。獨處宮中。艱困萬狀。賴孝貞時時召與語。以慰藉之。

瓜子金買玉版牋

穆宗嘗微服由後宰門出游。湖南舉人某居會館。與會國藩寓齋相對。一日。在床攤飯。見有少年入。就案翻視其文。以筆塗抹殆遍。匆匆卽去。怪而詢諸僕。僕曰。此曾大人之客也。曾大人出外未回。故信步至老爺處耳。國藩歸。舉

人白其狀。國藩大驚曰。此今上也。舉人駭甚。竟不敢入春闈。卽日束裝歸。穆宗又嘗至琉璃廠。購玉版宣。以瓜子金抵其值。掌櫃者見非通用物。辭不受。迺囑店夥隨往取銀。至午門內。店夥不敢入。棄紙倉皇遁。翌日遣小內監如數償之。穆宗出游。偶避雨僧寮。遇一人窮愁殊甚。詢其所執何業。乃某姓家廝養卒也。爲主人所逐。故託鉢香積廚。以圖果腹。又問如爾輩以何處出。最優則以粵海關對。穆宗遽假紙筆作一函。囑交步軍統領衙門代爲位置。時某親貴執大金吾得函。卽予金治裝。赴粵海關承役。其人遂以起家。

節減至二十四品之御膳

清初御膳定例百有二十品。至嘉道間減爲六十四品。以示節儉。迨咸豐末年。以內憂外患之間作。又遞減至三十二品。及同治初年。又復減去其八。蓋

出孝貞后之意也。

西太后怒碎遺詔

穆宗之寢疾也。本稍愈矣。一日忽欲往鳳秀女宮中。以語孝哲。孝哲不可。穆宗固求之。至長跪不起。孝哲不得已。乃鈐璽傳諭。穆宗始欣然往。次晨遽變證。召御醫入視疾。已不可爲矣。孝哲頗自悔。或曰。穆宗疾大漸時。命單召軍機大臣。侍郎李鴻藻入見寢宮。鴻藻既至。穆宗卽命啓簾召之入。時孝哲方問疾在側。欲引避。穆宗止之曰。毋須。師傅先帝老臣。汝乃門生媳婦爾。吾方有要言。何必引避耶。鴻藻入。見孝哲在側。急免冠伏地。穆宗曰。師傅快起。此時豈講禮節時耶。因執鴻藻手曰。朕疾不起矣。鴻藻失聲哭。孝哲亦哭。穆宗又止之曰。此非哭時。因顧孝哲曰。朕倘不諱。必立嗣子。汝果屬意何人。可速

言之。孝哲對曰。國賴長君。我實不願居太后之虛名。擁委裘之幼子。而詒宗社以實禍。穆宗莞爾曰。汝知此禮。吾無憂矣。乃與鴻藻謀。以貝勒載澍入承大統。且口授遺詔。令鴻藻於榻側書之。凡千餘言。所以防孝欽者至密。書詔成。穆宗閱之。猶謂鴻藻曰。甚妥善。師傅且休息。明日或猶得一見也。鴻藻既出宮。戰栗無人色。卽馳至孝欽宮。請急對。孝欽召之入。既見。卽出袖中草詔以進。孝欽閱畢。怒不可遏。立碎其紙。擲於地。叱鴻藻出。旋命盡斷醫藥。飲膳不許入乾清宮。移時。穆宗死。耗聞於外矣。

孝欽后作試帖詩之工雅

嘗聞諸塞庵先生言。孝欽后工爲試帖詩。同治乙丑會試。詩題蘆筍生時。柳絮飛。后擬作云。南浦篙三尺。東風笛一聲。荻聲連夜雨。萍跡故鄉情。又同治

癸酉考差詩題爲江南江北青山多。后擬作云。兩後螺深淺。風前雁往還。會連春水泛。峯雜夏雲閒。渾切工雅。居然館閣體製。

穆宗之攢交遊戲

清制。宮中內監有職業。服役外。如弄舟舁輿演戲等。悉內監爲之。穆宗喜舞戲。尤喜攢交。攢交須身體靈活。年稍長輒不能。穆宗親教小內監爲之。初習用板凳。小內監橫臥其上。而上以手按摩其腹。俾圓轉如連環。體稍僵。用手強按之。死者比比。其精者攢交數十度。鏗然其聲而弗息。一時風尚。自梨園供奉訖各行省。無不喜攢交。自穆宗始也。今則其風已息。與貝勒載徵尤善。二人皆好着黑衣。娼寮酒館。暨攤肆之有女子者。徧游之。其病實染毒瘡。頭髮盡脫落。言因發疥瘡致命者誤。甲戌十二月初五。穆宗死。召恭邸入內。時

外間無知者。王入侍衛及內監。隨掩關數十重。悉然。至則見陳尸寢宮。孝欽手秉燭。謂恭邸曰。大事至此。奈何。旋手詔德宗入宮。德宗尙幼。輿中猶酣睡也。翌晨宣告帝崩。人始知焉。穆宗小斂。懷中尙有餘銀盈握。蓋零用未盡者。又搜枕畔得春冊一本。署曰臣王某進。建福王職。

聰明天子

穆宗天資英敏。卽位時年纔八歲。肅順有異志。帝知之。嘗戲以小刀切菜。輒呼曰。殺肅順。殺肅順。及見肅。亦周旋無異他人。故肅迄不疑帝。返京後。日受傳讀。不樂學問。傳諫不聽。繼之以哭。常取論語中君子不器句。掩下二口字。使傳讀之。乃君子不哭也。不覺失笑。帝之敏哲。皆此類也。故事。聘后必擇二人。須帝自選。中選者冊封。不中亦封貴人。穆宗選后時。意無所適。可慈禧促

之。帝乃以茶傾地上。令二人趨而過。一人恐龍污。擯其衣。一人不然。帝曰。擯者愛衣。不擯者知禮。遂選不擯衣者。卽毅皇后也。

餓死皇后

穆宗寢疾。后往視。少頃卽去。帝留之。不可。曰。恐阿媽責我。阿媽。慈禧也。急出。慈禧已入。一手挽髮。遽連批后頰。曰。媚狐。皇帝疾殆。汝復來耶。欲笞之。穆宗跪求。后亦曰。姑念我自大清門入。勿辱我。大清門唯帝后得出入。他雖太后不能。慈禧恆引爲恨事。至是聞后言。大悲。帝升遐後。后母家獻饅首一盤。后書盤後曰。這却怎好。后父文山尙書書片紙答曰。明哲莫如皇后。后視之。遂不食卒。蓋禁中服毒死者。母家皆干重辟。餓斃則否。后知之。故出此。文山尙書名崇綺。字葆初。能書。世稱葆公爺字者是也。庚子之役。崇率全家活瘞殉。